

Na osnovu člana 21. stav 1. Zakona o veterinarstvu u Bosni i Hercegovini ("Službeni glasnik BiH", broj 34/02) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ureda za veterinarstvo Bosne i Hercegovine, na 148. sjednici održanoj 14. aprila 2011. godine, donijelo je

ODLUKU

O ZABRANI UVOZA U BOSNU I HERCEGOVINU I PROVOZA PREKO TERITORIJE BOSNE I HERCEGOVINE PERADI I PROIZVODA OD PERADI RADI SPRJEČAVANJA UNOSA INFLUENCE PTICA

Član 1.

(Predmet Odluke)

Ovom Odlukom se zabranjuje, radi sprječavanja unošenja influence ptica, uvoz u Bosnu i Hercegovinu i provoz preko teritorije Bosne i Hercegovine, slijedećih pošiljki:

- a) žive peradi, bezgrebenki (kivi, emu, nandu i noj), uzgojene i divlje pernate divljači, uključujući ptice u pratnji njihovih vlasnika (ptice kućni ljubimci);
- b) jednodnevne peradi;
- c) rasplodnih i konzumnih jaja;
- d) sjemena peradi, bezgrebenki i pernate divljači;
- e) svježeg i smrznutog mesa peradi, bezgrebenki i pernate divljači;
- f) proizvoda od mesa peradi, bezgrebenki i pernate divljači;
- g) proizvoda životinjskog porijekla (od ptica) namijenjenih ishrani životinja, za industrijsku upotrebu ili upotrebu u poljoprivredi;
- h) netretiranih lovačkih trofeja od bilo kojih ptica i netretirano perje ili dijelovi perja.

Član 2.

(Zabrana provoza)

Zabrana iz člana 1. ove Odluke odnosi se i na pošiljke žive peradi i pernate divljači, rasplodnih i konzumnih jaja i proizvoda od peradi koji potiču iz drugih zemalja, ako se provoze preko teritorija država navedenih u Prilogu I. ove Odluke i dijelova država navedenih u Prilogu II. ove Odluke, a koji su proglašeni za zaraženo odnosno ugroženo područje zbog pojave influence ptica.

Član 3.

(Posebni uslovi za uvoz pošiljki)

Iz područja država navedenih u Prilogu II. ove Odluke, a koja nisu proglašena zaraženim ili ugroženim, dozvoljen je uvoz samo pod uslovom da ovlašteni veterinar zemlje izvoznice na veterinarsko-zdravstvenom certifikatu potvrdi da pošiljke iz člana 1. ove Odluke ne potiču iz zaraženog ili ugroženog područja zbog pojave influence ptica.

Član 4.

(Odstupanja od zabrane)

Zabrana iz člana 1. ove Odluke ne odnosi se na pošiljke:

- a) hermetički zatvorenih toplinski obrađenih konzervi od mesa peradi i pernate divljači koje su tokom proizvodnje bile podvrgnute obradi sa Fo vrijednosti 3 i više, odnosno trajne konzerve;
- b) proizvoda od jaja koja su prije ili tokom proizvodnje podvrgnuta toplinskoj obradi sušenja u proizvodnji jaja u prahu, pasterizacije ili sterilizacije;
- c) toplinski obrađenih proizvoda gdje je za vrijeme obrade postignuta temperatura od najmanje 70°C u središtu proizvoda;
- d) perja ili dijelova perja za koje se na prpratnim dokumentima potvrđuje da su tretirani vrućom parom ili nekom drugom metodom koja osigurava da se tom pošiljkom ne mogu prenijeti patogeni uzročnici.

Član 5.

(Izmjene priloga)

Izmjene Priloga I. i II., koji su sastavni dio ove Odluke, utvrđuje Ured za veterinarstvo Bosne i Hercegovine, u skladu s promjenama epidemiološke situacije, a vezano za status influence ptica u svijetu.

Član 6.

(Prestanak važenja)

Danom stupanja na snagu ove Odluke, prestaje važiti Odluka o zabrani uvoza u Bosnu i Hercegovinu i provoza preko teritorije Bosne i Hercegovine peradi i proizvoda od peradi radi sprječavanja unosa kokošije kuge - aviarnе influence ("Službeni glasnik BiH", broj 46/06).

Član 7.

(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH".

VM broj 76/11
14. aprila 2011. godine
Sarajevo

Predsjedavajući
Vijeća ministara BiH
Dr. Nikola Špirić, s. r.

Prilog I.

Afganistan
Bangladeš
Benin
Butan
Egipat
Hong Kong
Indija
Indonezija
Irak
Iran
Izrael
Japan
Južna Koreja
Kambodža
Kina
Laos
Mianmar
Mongolija
Nepal
Nigerija
Pakistan
Palestina
Rumunija (područje okruga Tulcea)
Ruska Federacija
Saudijska Arabija
Sudan
Tajland
Togo
Ukrajina
Vijetnam

Prilog II.

Bugarska
Rumunija (sve osim područja okruga Tulcea)
Španija

Na temelju članka 21. stavak 1. Zakona o veterinarstvu u Bosni i Hercegovini ("Službeni glasnik BiH", broj 34/02) i članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ureda za veterinarstvo Bosne i Hercegovine, na 148. sjednici održanoj 14. travnja 2011. godine, donijelo je